

INUIT ATAQATIGIIT INATSIARTUNI



UKA2021/056

03-11-2021

Knud Mathiassen

Portørit tarnikkut atugarisaat pillugit Naalackersuisut ukioq 2022 naatinngu nalunaarusioqqullugit peqquneqarnissaanik Inatsisartut aalajangiiffigisassaattut siunnersuut. Nalunaarusiami atugassarititaasut pitsanngorsarnissaannut anngaasaqarnikkut sunniutaasussat ilanngunneqassapput.

(Inatsisartunut ilaasortaq Doris J. Jensen, Siumut)

Siunnersuuteqartumut Doris J. Jensen-imut siunnersuummik imartoqisumut qujanaq.

Portørit sulinerminni misigissutsit tamaasa atortaraat tamatta tusarsimavarput. Portørit atugarisaannut 2022 naatinngu Naalackersuisut nalunaarusiornissaannut nalunaarusiamilu aningaasaqarnikkut sunniutaasinnaasut ilanngunneqarnissaannik siunnersuut Inuit Ataqatigiinniit isumaqatigilluinnarparput.

Siullermik ukiorpassuarni portøritut sulisimasut maanngaanniit nersorpagut qutsavigalugillu, sulinersi allaniit asseqanngilaq imaannaanngelunilu. Pisortanit sullinneqarneri pitsaanerpaanngilluinnaraluartoq inuiaat nunarpullu sullikkumallugu sulinersi ataqqinaataavoq asseqanngitsoq. Atukkasi pillugit maani inersuarmi ataasiaannaq eqqartorneqalinngilaq taamaattumik alloriartariaqarpugut piaartumik iliuseqarnissatsinnut sulinersimi tassaavoq uagut pilluta, ilissi pillusi, allat pillugit. Inuuneq nalunaqaaq, tassanngaannaq pisoqariasaartarpoq tassanngaannaq pisoqariasaaraangat suligasuartussat tassaasarput portørit allallu suleqatai peqqinnissaqarfimmiut, politiit, qatserisartullu.

INUIT ATAQATIGIIT INATSIARTUNI



Aap tusarsimavarput portørit kisimiillutik sulisarsimasut sakkortuumillu pisoqartillugu kisimiillutik suliaqartariaqartartut – ajorluinnarpoq. Portørit suliaartik nammineq nalunngilaat maanngaanniik kissaataat tusaanerusariaqalerpagut atugassaritallu aaqqiivigalugit.

Portørit allatutuulli inuinnaapput misigissuseqartut, ilaqutaqartut, meeraqartut, qanigisaminnik tapersorsorneqartut, ilaallu kisimiittut – takorlooriartigu sakkortuumik suliaqareerlutik soraarlutik angerlartut, takorlooruminaappoq isigisaat, tusaasaat, passussimasaallu suliarereerlugit ilaminut angerlartoq.

Politikikkut atugarissaarnerulernissamik maani inersuarmi suliniuterpassuarnik aalajangiisoqartarpoq sapiinnerpaamik – taavami sooq inoqatitsinnut qaniginerpaasatsinnut annaassiniartartut atugarissaarnerulernissaannut itigartitsisoqartarsimava?

Portørit ilinniartitaanerit

Nunarput isorartoqaat illoqarfiit qaninnatik siaarsimapput ukiut ilaanni ukiorluttaqaagut. Ullormiit ullormut ajunaarnersuaq takkuteriataarsinnaanera tamatta ilisimaaraarput. Portørit ilinniartitaanerit qaffassarneqarnissaannut suliniuteqartunut politikeriesugut tusarnaartariaqarpugut paasinnillutalu – inuimmi sillimaffigineqarnerat pineqarpoq.

Inuit Ataqatigiinniit taamatut oqaaseqareerluta siunnersuut akueraarput ataatsimiititaliamullu susassaqtumullu ingerlateqqillugu.